

Ikhtiyor. M. BABANAZAROV,
*Independent Researcher of the Department of
 Textology and Literary Source Studies,
 Tashkent State University of the Uzbek language and
 literature named after Alisher Navoi.
 Hamkorlik street, 41/1, 22050,
 Urganch city, Uzbekistan.
 E-mail: ixtiyori78@mail.ru*

DOI: 10.47980/MOTURIDIY/2022/4/9

“АТВОҚ АЗ-ЗАҲАБ” ТАРЖИМАЛАРИ ВА УЛАРНИНГ ХУСУСИЯТЛАРИ

TRANSLATIONS OF “ATWAQ AZ-ZAHAB” AND ITS CHARACTERISTICS

ПЕРЕВОДЫ ПРОИЗВЕДЕНИЯ “АТВОҚ АЗ- ЗАҲАБ” И ИХ ОСОБЕННОСТИ

КИРИШ

Маҳмуд Замахшарийнинг хаёти ва илмий мероси асрлар давомида Шарқ ва Ғарб тадқиқчиларининг дикқат марказида бўлиб келмоқда. Жумладан, Самъоний, Ёкут Ҳамавий, Ибн Халликон, Ибн Кутлубуғо, Жалолуддин Суютий, Тошқўпирзода, Ҳожи Халифа Чалабий, Абдулҳай Лакнавий, Зириклий каби олимлар ўз асарларида алломанинг хаёти ва илмий фаолияти ҳакида қимматли маълумотлар қолдирганлар. Ғарб олимларидан Йозеф Фон Хаммер, Гейнрих Леберехт Флайчер, Густав Вейль, Барбиер де Мейнард, Брокельман, Гибб, Крачковский, Белкин ва бошқалар Замахшарий шахсияти ва асарларига оид кўплаб тадқиқотлар олиб боришиган. Маҳмуд Замахшарий тафсир, ҳадис, фикҳ, нахв, балоғат ва фасоҳат, руҳий тарбия ва ахлоқ, адабиёт ва шеърият соҳасида келажак авлод учун буюк маънавий мерос қолдирган олимлардан саналади.

Шундай манбалардан бири – “Атвоқ аз-захаб фил маваъизи вал хутаб” (Ўйтлар ва насиҳатларнинг олтин шодалари) асаридир. Адаб илмининг амалий намунаси бўлган мазкур асар зухд ва чиройли ахлоқка, ёмонликларни тарқ этиш ва яхшиликка буорувчи насиҳат ва кўрсатмалардан иборат юзта мақолат (турли мавзудаги ҳикматли адабий парчалар)ни ўз ичига олади. “Атвоқ аз-захаб фил маваъизи вал хутаб” асарининг ёзилиши ажаб бир ҳолат билан боғлиқ. Уламолар орасида “Жоруллоҳ” (Аллоҳнинг кўшниси) номи билан танилган Замахшарийнинг

бу китоби Каъба тавофи асносида яратилган. У зот ҳар гал Каъбани тавоғ қилганида битта мақолатни қоғозга тушириб, шу тарзда мақолалар сонини юзтага етказган.

Замахшарийнинг “Атвоқ аз-захаб” асари 1835–1836 йиллар оралиғида немис тилига таржима қилинган ва бир неча марта Европанинг турли шаҳарларида нашр қилинган. Мазкур мақолада “Атвоқ аз-захаб”нинг немис тилидаги таржимаси “Samachschari’s Goldene Halsbänder” асари ва уни немис тилига таржима қилган Йозеф фон Хаммер, Гейнрих Леберехт Флайчер ва Густав Вейль каби олмон олимларининг хаёт ва ижодларига батафсил тўхталамиз.

АСОСИЙ ҚИСМ

Йозеф фон Хаммер-Пургсталл (тўлиқ исми: Жозеф Фрейхерр фон Хаммер-Пургсталл) – австрияллик тарихчи, шарқшунос ва дипломат, шарқ адабиёти тадқиқотчиси ва таржимони. Венадаги Шаркий тиллар академиясини битирган. У юнон, лотин, француз, итальян, араб, форс ва турк тилларини билган. Лондонга ташриф буюриб, у ерда инглиз тилини ўрганган. Бир мунча вақт Парижда ишлаган, у ерда Силвестр де Сасӣ билан учрашган. Кейин Молдавияда (Яси шаҳрида) яшаган. Ватанига қайтиб келганидан сўнг, Вена судининг маслаҳатчиси бўлиб ишлаган. 1835 йилда у графиня Пургсталлнинг меросхўри бўлгани сабабидан барон унвонини олган.

Йозеф фон Хаммер-Пургсталл 1839 йилда дипломатик хизматни тарқ этиб, ўзини тарих ва адабиётшунослик бўйича илмий изланишларга бағишилади. У Австрия Фанлар академиясининг асосчиси ва мазкур академиянинг биринчи президенти бўлган (1847–1849). Шу билан бирга, Франция ёзувлар ва тасвирий адабиёт академияси ҳамда Петербург Фанлар академиясининг чет эллик фахрий аъзоси бўлган (1823). 1959 йилда ташкил топган Австрия Шарқшунослик Жамияти Йозеф фон Хаммер-Пургсталл номи билан аталган. 1981 йилда олим вафотининг 125 йиллигига бағишилаб, унинг тасвири туширилган почта маркаси чиқарилган (Hammer-Purgstall, 1957).

Йозеф фон Хаммер-Пургсталлнинг қуйидаги тарихий асарлари машхур: “Қотиллар тарихи” (1818), 10 жилдан иборат “Усмонли империяси тарихи” (1827–1835), “Араб адабиёти тарихи” (1850–1856), “Қипчоқдаги Олтин Ўрда тарихи ёки Россиядаги мўғуллар” (1837–1840).

Аннотация: Маҳмуд Замахшарийнинг “Атвоқ аз-заҳаб фи ал-мавоиъз ва-л-хутаб” асари зуҳд ва гўзал ахлоққа, ёмонликларни тарқ этиши ва яхшиликка буюрувчи олтин насиҳат ва иришоддан иборат юзта мақола тўпламидир.

Мазкур мақолада ушибу асарнинг таржималари ва асардан таъсирланган таржимонлар ҳақида сўз юритилган. Жумаладан, асарнинг Farbdagi таржималари ва уларнинг қадимий ва замонавий наширлари ҳақида маълумотлар берилган. Мақолада “Атвоқ аз- заҳаб”нинг Йозеф фон Хаммер, Генрих Леберехт Флейхер ва Густав Вейль каби бир неча олмон олимлари томонидан немис тилига қилинган таржималари ҳамда мазкур таржимонларнинг ҳаёти ва ижоди борасида баҳс қилинган.

“Samachschari’s Goldene Halsbänder” номи билан машҳур таржима-асар тошбосма наширларига илмий тавсиф берилади ва ҳар бир тошбосма наирдан намуналар келтирилади. Бундан ташқари, мазкур наширларнинг турли дунё кутубхоналари ва фонdlарида жойлашуви харитаси ҳамда нисбати жадваллар ва диаграммалар шаклида акс этади.

Маҳмуд Замахшарийнинг дунёнинг турли кутубхонларида сақланаётган “Атвоқ аз-заҳаб фи ал-мавоиъз вал-хутаб” асари Farb олимлари томонидан жаҳон адабиётининг юксак намунаси сифатида эътироф этилади. Хусусан, Американинг Kessinger Publishing нашириёти “Атвоқ аз-заҳаб фи ал-мавоиъз вал-хутаб”нинг ноёблиги ҳамда улкан маданий мерос бўлгани сабабли асарни асл нусхадан факсимел равишда қайта нашир этишини муҳим деб ҳисоблаган.

Калит сўзлар: Руҳий тарбия, “Атвоқ аз-заҳаб”, “Насоҳат сизор”, “Samachschari’s Goldene Halsbänder”, “Les Colliers D’or; Allocutoin Morales”, “Golden Necklaces or Maxims of Zamakhshari”.

Abstract: Mahmud Zamakhshari's work “Atwaq az-Zahab fil-Mawai’z wal-Khutab” is a collection of one hundred articles of golden advice and guidance, which instructs us to asceticism and good morals, to abandon evils and to do good deeds.

The article talks about the translations of this book and the translators influenced by this work. For example, information is given about translations of the work in the West and their ancient and modern editions. The article details the translations of "Atwaq az-Zahab" into German by several German scholars such as Joseph von Hammer, Heinrich Leberecht Fleischer, and Gustav Weil, as well as the life and work of the translators.

The translated lithographs known as “Samachschari’s Goldene Halsbänder” are scientifically described and samples of each lithograph are given. In addition, the geographical map of the location of each translated work in different world libraries and funds, as well as the ratio are reflected in the form of tables and diagrams.

Mahmud Zamakhshari's work "Atwaq az-Zahab fil-Mawai’z wal-Khutab" which is kept in different libraries around the world, is recognized by western scholars as a high example of world literature. In particular, because of the uniqueness and great cultural heritage of the work, American publishing house Kessinger Publishing considered it important to reprint it in facsimile from the original.

Keywords: Spiritual training, “Atwaq az-Zahab”, “Nasaih as-Sighar”, “Samachschari’s Goldene Halsbänder”, “Les Colliers D’or; Allocutoin Morales”, “Golden Necklaces or Maxims of Zamakhshari”.

Аннотация: Работа Махмуда Замахшари «Атвак аз-заҳаб фи аль-маваиз валь-хутаб» представляет собой сборник из ста статей "золотых" советов и руководства, которые призывают к аскетизму и добрым нравам, отказу от плохих поступков и добрым поступкам.

В данной статье рассматриваются переводы этого произведения, а также переводчики, на которых оно повлияло. В частности представлены сведения о западных переводах произведения и их старинных и современных изданиях. В статье рассматриваются переводы «Атвака аз-Заҳаба» на немецкий язык несколькими немецкими учеными, такими как Йозеф фон Хаммер, Генрих Леберехт Флейхер и Густав Вейль, а также жизнь и деятельность этих переводчиков.

Дается научное описание такой известной литографии перевода как «Samachschari’s Goldene Halsbänder» и приводятся примеры каждого издания данной литографии. Кроме того, карта нахождения и соотношение этих изданий в разных мировых библиотеках и фондах отражена в виде таблиц и диаграмм.

Произведение Махмуда Замахшари «Атвак аз-заҳаб фи аль-маваиз валь-хутаб», хранящееся в разных библиотеках мира, признано западными учеными высоким образцом мировой литературы. В частности, американское издательство Kessinger Publishing посчитало важным переиздать произведение в факсимиле с оригинала ввиду его уникальности и большого культурного наследия.

Ключевые слова: духовное воспитание, «Атвак аз-Заҳаб», «Насоҳат сизор», «Samachschari’s Goldene Halsbänder», «Les Colliers D’or; Allocutoin Morales», «Golden Necklaces or Maxims of Zamakhshari».

Тарихий асарлардан ташқари, Йозеф фон Хаммер-Пургсталл араб, форс ва турк тилларида битилган асарларни ҳам таржима қилган. Жумладан, Ҳофизнинг “1001 кечада эртаклари” ва “Девон” асарларини таржима қилиб, машхур немис адиби ва шоири Гёте ижодига катта таъсир кўрсатган. У Ғарбий Европада биринчи бўлиб Фузулий ҳақида хабар берган. Қоҳирада Ибн Вахшийнинг “Яширин иероглифлар ва алифболар” ҳақидаги қўллэзмасини сотиб олиб, уни 1806 йилда Лондонда таржима қилиб нашр қилган. Бир қатор қадимий ёзувлар ва Миср иероглифларини очиб, мисршуносликнинг ривожига ҳисса қўшган (Hammer-Purgstall, Grenzgänger zwischen Orient und Okzident, 2008).

МУҲОКАМА

Йозеф фон Хаммер-Пургсталл буюк аллома Маҳмуд Замахшарийнинг “Атвоқ аз-заҳаб фи ал-мавоیъ вал-хутаб” асарини немис тилига таржима қилиб, аллома номини бутун ғарб оламига танитган шахслардан бири ҳисобланади.

Мазкур таржима “Samachschari's Goldene Halsbänder” номи остида немис ва араб тилидаги матнлар билан бирга 1835 йил Вена шахрида нашр қилинган. Бу Замахшарийнинг “Атвоқ аз-заҳаб” мақолалар тўпламининг немис тилига биринчи таржимаси ва литографик нашри эди. Тошбосма асарнинг арабча матни 60 бетдан, немис тилидаги таржима матни эса, 54 бетдан иборат. Муқоваси қаттиқ, қопламаларнинг зарҳал кирралари, яшил ранг билан зарҳалланган, сарлавҳа сахифаси ва муқова мармар фони билан ажралиб туради. Муқова бироз ишқалантган. Муқованинг ички тарафи жигарранг, бироз қизарган.

Араб тилидаги матн насх ҳатида ёзилган бўлиб, биринчи бетда гулсимон нақшли тўртбурчак шакл ичida ва гуллар орасида асар номи ва муаллифи ёзилган: *أطواق الذهب الرحمن الرحيم*

Иккинчи бетда гулсимон нақшли тўртбурчак шакл ичida ва гуллар орасида асар номи ва муаллифи ёзилган: *بسم الله الرحمن الرحيم*

Дунё устози, фозиллар раиси, араб ва ажамларнинг устози, буюк имом, зоҳид, комил ва моҳир аллома Жоруллоҳ Абул Қосим Маҳмуд ибн Муҳаммад аз-Замахшарий айтадилар... (Hammer-Purgstall, 1835)

Муқаддимадан кейин мақолалар кетма-кетлиқда жойлаштирилиб, биринчи мақола 1 рақами ва *المقالة* сўзи билан бошланган. Кейинги мақолалар фақат рақам билан белгиланган ва охирги мақола 99 рақами билан белгиланган ва унга 100-мақола қўшилиб кетган. Шунинг учун охирги мақола 100 рақами билан ажратилмаган. Балки айни ҳолат Йозеф фон Хаммер фойдаланган қўллэзма матни билан боғлиқ бўлса, ажаб эмас.

Йозеф фон Хаммер мазкур китобнинг хуроса кисмида шундай ёзади:

«Ушбу мақолатлар жумла жаҳоннинг Эгаси, Подшоҳи бўлган, барча ҳалқларга уларнинг тилларини ато қилгувчи Зот ёрдами ила саодатли Вена шахрида (Аллоҳ уни узун замонлар турли оғатлардан асрасин) чоп қилиш ва мақолаларни рақамлаш учун белгиланган “Дорун наим” нашри-ётида 1834 милодий сана Мехржон 12-жумадул аввал куни, Ҳазрат Муҳаммаднинг (унга саловот ва саломлар бўлсин) ҳижратидан 1250 сана кейин ҳар ишга қодир Парвардигорига муҳтож, дуоларининг мувофиқ суратда ижобат бўлишига зор факир мутаржим Юсуф (Йозеф) фон Хаммер дастхати билан ниҳоясига етди» (Hammer-Purgstall, 1835).

Немис тилидаги матн готик услубда ёзилган бўлиб, ўзига хос бир тарихий маъно касб этади. Титул сахифасида қўйидаги ёзувлар бор:

Samachschari's goldene Halsbänder (Замахшарийнинг олтин тўплами), янги нашр, арабча ва немисча, Joseph von Hammer, арабча ёзувли муҳр, нашр жойи: Вена, нашриёт: ношир Gedruckt bey A. St a rauss', нашр йили 1835.

Иккинчи бетда:

Überseßung des Giegels auf dem Titelblatte.

“Сарлавҳа сахифасидаги муҳрнинг таржимаси”.

“Менинг нафсим олтинмас, қўзим қувонадиган бисот ҳам эмас

Балки ҳамиша янгиланиб турадиган шон ва шарафдур.”

Йозеф фон Хаммер таржимани аввало ўз ҳамқасблари шарқшуносларга мурожаат ва бағишилов билан бошлайди. Бу учинчи бетда ўз аксини топган:

“Ҳамфиқрингиз, мутолаачингиздан барча шарқшуносларга бағишилов” (Hammer-Purgstall, 1835).

Зueignung.

An alle Orientalisten

von ihrem Mitgenassen, dem Übersetzer.

“Хамфирингиз, мутолаачингиздан барча шарқиуносларга бағишилов!” (Hammer-Purgstall, 1835).

Худди шу йили Лейпцигда Гейнрих Леберехт Флайчернинг яна бир таржимаси пайдо бўлди. У Йозеф фон Хаммернинг таржимаси устида ишлаб, асарни қайта таржима қиласи ҳамда танқидий ва изоҳли шарҳлари билан бирга Лейпциг шахрида чоп эттиради.

Гейнрих Леберехт Флайчер 1801 йил 21 февралда Саксония Қироллигининг Шандау шахрида дунёга келган. 1814 йилда Баутзендаги коллежда таълим олишни бошлаган. 1819–1824 йилларда Лейпциг университетининг диншунослик факультетида ўқиган. Кейин Парижда 1824–1828 йилларда араб, форс ва турк тилларини ўрганганди. 1831 йилда Саксония пойтахти Дрезденда Креузшule роҳиблар мактабида дарс берган. 1835 йилда Лейпциг университети илоҳиёт факультети профессори ва 1840 йилда мазкур университетнинг фалсафа факультетида шарқ тиллари ўқитувчиси бўлган. Унинг ташаббуси билан ушбу университетда араб тили ва адабиёти йўналиши очилган. Париждаги Осиё жамияти ҳамда Лондондаги Осиёшунослар Қироллик жамияти фахрий аъзоси бўлган. 1845 йилда Олмон шарқ жамияти ташкил этилишининг асосий ташаббускори ҳамда унинг фаол аъзоларидан бири бўлган (Dugat, 1870).

1849 йилдан Санкт-Петербург Фанлар академиясининг мухбир аъзоси бўлган. 1868 йилда Пруссиянинг “Поур ле Мерите” ордени билан мукофотланган. Гейнрих Леберехт Флайчер 1888 йил 10 февралда Лейпциг шахрида вафот этади. (Fück, 1955).

Гейнрих Леберехт Флайчер ҳам Йозеф фон Хаммер-Пургсталл каби буюк аллома Маҳмуд Замахшарийнинг “Атвоқ аз-заҳаб” асарини таржима қилиб, нашр эттиради. Натижада аллома ва унинг мазкур асарини бутун Ғарб оламига янада машҳур қиласи.

Мазкур таржима “Samachschari’s Goldene Halsbänder” номи остида 1835 йилда немис тилида Лейпциг шахрида Карл Гейнрих Реклам томонидан нашр қилинган. Гейнрих Леберехт Флайчер таъкидлашича, бу асар Йозеф фон Хаммер таржимасининг тузатилган матни бўлиб, танқидий ва экзетик шарҳдан иборат. Йозеф фон Хаммер таржимасидан фарқли равишда бу асарда

арабча матн тўлиқ берилмасдан, немис тилига таржима қилинган ва факат изоҳталаб сўзларгина шарҳланган.

Ушбу тошбосма нусха Австрия шахсий коллекцияридаги чиройли китоб намунаси бўлиб, муковаси яшил, Марокаш накшлари ва зарҳалланган ёзувлари билан ажралиб туради. Асар Саксония-Анхалт университети ва давлат кутубхонаси Яқин Шарқ маҳсус фондининг ракамли кутубхонасида de11911 раками остида сақланмоқда. Асарнинг таҳқиқ ва мукаддима кисми 15 бетдан иборат бўлиб, рим ракамлари билан белгиланган (Hammer-Purgstall, 1835).

Маҳмуд Замахшарий мукаддимаси ва юзта мақола таржимаси 84 бетдан иборат бўлиб, араб ракамлари билан белгиланган.

Асар таржимасида факат изоҳлардагина арабча сўзларни учратиш мумкин.

Таржиманинг энг охирги 3-бетида тузатишлар берилган (Hammer-Purgstall, 1835).

1836 йили Маҳмуд Замахшарийнинг “Атвоқ аз-заҳаб” асари яна бир бор немис тилига таржима килинди. Мазкур таржима Густав Вейль томонидан амалга оширилди. У Йозеф фон Хаммернинг таржимасидаги камчиликларни тузатиб, танқидий мулоҳазалар келтирган. Шунингдек, Йозеф фон Хаммернинг таржимасидаги арабча матнни Қоҳирада қўлга киритилган кўлэзма асосида ислоҳ қилган.

Густав Вейль – немис шарқшуноси, Хейделберг университетининг шарқ тиллари профессори. У ёшлигидан иброний, француз ва лотин тилларини ўрганганди. 1828 йилда Хейделберг университетига ўқишига кирган. Таълимни давом эттириш учун 1830 йилда Парижга бориб, у ерда Сильвестр де Сасӣ, Е.Куатремере ва А.Перрон каби устоzlардан араб тилини ўрганганди. Французлар Жазоирга бостириб кирганидан сўнг, у ўқишини тұхтатиб, “Аугсбургер Аллгемение Зейтунг” газетасининг ҳарбий мухбири сифатида Жазоирга кетган (Dunlop, 1962).

1831 йил январда у Мисрга кўчиб ўтиб, Қоҳирада Мехмед Али Пошо томонидан янги очилган Абу Заъбел тибиёт мадрасасида француз тилидан дарс бера бошлаган. Шу билан бирга, Мұхаммад Айёд Тантовий ва Аҳмад Тунисий каби олимлардан араб, форс ва турк тилларидан дарс олган.

1835 йил март ойида Истанбулга бориб, бироз муддат шу ерда истиқомат қилган, турк тилини яхшилаб ўрганган. Германияга қайтиб келганидан сўнг, 1836 йилда Тюбинген университетида фан доктори илмий даражасини олган. 1845 йилдан шу университетнинг шарқий тиллар курсларига ишга кирган. 1861 йилда у Шарқий тиллар профессори этиб тайинланади. У 1889 йил 29 августда Германиянинг Фрайбург шаҳрида вафотэтган. Немис шарқшунослари жамияти, Осиё ва Америка Шарқ Жамияти каби ташкилотларнинг аъзоси бўлган Густав Вейль Баден ва Пруссия давлатларининг турли мукофотларига сазовор бўлган. Вафотидан сўнг арабча кўлёмсалар тўплами унинг фарзандлари томонидан Ҳейделберг университетига топширилган.

Густав Вейль 1837–1841 йилларда “Минг бир кеч” асарини арабчадан немис тилига 4 жилдда ва 1864 йилда Ибн Хишомнинг “Мухаммад алайхиссаломнинг ҳаёти” асарини 2 жилдда таржима қилган. Булардан ташқари, у Махмуд Замахшарийнинг “Атвоқ аз-заҳаб” асарини таржима қилиб, аллома номи ҳамда мазкур асарини бутун Фарб оламига янада машхур қилади. Густав Вейльнинг “Атвоқ аз-заҳаб” ва "Минг бир кеч"ни немис тилига таржима қилиши жаҳон адабиётига қўшилган муҳим ҳисса ҳисобланади (A. Megh Weil, Gustav, 1896).

Густав Вейль Хаммернинг немис тилидаги таржимасини қайта ишлаб, ундаги хатоларни тўғрилаб чиқади. Мазкур таржима “Samachschari's Goldene Halsbänder” номи остида 1836 йилда немис тилида Штутгарт шаҳрида чоп этилган.

Мазкур тошбосма Бавария давлат кутубхонаси ва Мюнхен рақами кутубхонасининг Араб-Шарқ фондида A.OR-1913 рақами остида сақланмоқда. Муқоваси мармарсимон қоплама билан мустаҳкамланган.

Асар готик хатида нашр қилинган бўлиб, 180 бетдан иборат. Китоб бошланишида бир неча бетда титул варак тақрорланади, асарнинг таҳкиқ ва муқаддима қисми 13 бетдан иборат бўлиб, рим рақамлари билан белгиланган. Махмуд Замахшарий муқаддимаси ва юзта мақола таржимаси 46 бетдан иборат. Мақолаларнинг немис тилидаги шарҳи эса 112 бетдан иборат бўлиб, араб рақамлари билан белгиланган.

Асар таржимасида бирорта ҳам арабча сўз кўлланилмаган, зарурат бор жойларда немисча


транскрипциядан фойдаланилган. Таржиманинг энг охирида тузатишлар берилган.

НАТИЖА

“Атвоқ аз-заҳаб”нинг 1835 йилда А.Штраусс томонидан нашр қилинган Вена нусхаси ғарбда жуда кенг таркалган. Жумладан, унинг микрофильми Германиянинг 20 га якин кутубхоналаридан жой олган. Бундан ташқари, Америка Кўшма Штатларининг 15 дан ортиқ ва Канаданинг бир неча кутубхоналарида ҳам сакланади. Шунингдек, асар Франциянинг Страсбург шаҳридаги Миллий ва универсал кутубхонаси, Словениянинг Марибор шаҳридаги Миллий кутубхона ахборот тизими, Ахборот фанлари институти ва Любляна шаҳридаги Миллий университет кутубхонаси, Истроил Миллий кутубхонасидан ҳам жой олган.


Йозеф фон Хаммер таржимаси Мюнхен шаҳрида 1990–94 йиллар давомида Саур Верлаг нашриётида кўп сонли ададда, микрофильм шаклда кўпайтирилади ва ғарб оламининг турли кутубхоналарига ҳам тақдим этилган.

Қуйидаги диаграммада Йозеф фон Хаммернинг “Атвоқ аз-заҳаб” таржимаси “Samachschari's goldene Halsbänder” асарининг дунё фондларида жойлашув нисбатини кўриш мумкин:




“Атвоқ-уз заҳаб” асарининг Гейнрих Леберехт Флайшер таржимаси “Samachschari's goldene Halsbänder” асари тошбосма нашрнинг микро нусхаси Швеция, Дания, Германия, Швейцария, Голландия, Англия, Канада, Америка Кўшма Штатлари, Истроил ва Австралия давлат кутубхонларида ҳам мавжуд.

Мазкур асарнинг тошбосма нусхаси дунё фондларида жойлашув нисбатини қуйидаги диаграммада кўриш мумкин:



"Атвоқ аз-заҳаб"нинг Густав Вейль таржимаси "Samachschari's Goldene Halsbänder" тошбосма нашрининг микро нусхаси Германия, Швейцария, Голландия, Англия, Канада, Америка Күшма Штатлари, Франция кутубхонларида сақланади. Қыйидаги диаграммада мазкур тошбосманинг дунё фондларида сақланиш нисбати акс этган:



ХУЛОСА

Хулоса сифатида шуни таъкидлаш лозимки, Йозеф фон Хаммернинг аллома Махмуд Замахшарийнинг "Атвоқ аз-заҳаб" асарини немис тилига таржимаси, аллома ва унинг мазкур асарини бутун Farb оламига танилишига хизмат қилди. Мазкур таржима "Samachschari's Goldene Halsbänder" номи остида 1835 йилда Вена шахрида А. Штраус томонидан нашр қилинган ва Farbda жуда кенг тарқалиб, Гейнрих Леберехт Флайчер,

Густав Вейль ва Барбиер де Мейнард каби немис ва француз олимларининг таржималарига катта турткы ва асос бўлган.

Таъкидлаш керакки, Махмуд Замахшарийнинг "Атвоқ аз-заҳаб" асари қадимда ҳам Европада машхур бўлган, ҳозирда ҳам чет тилидаги таржималари нашр этилмоқда. Юқоридаги тошбосма ва қуйидаги замонавий нашрлар бунинг яққол мисоли бўллади:

"Атвоқ аз-заҳаб" ни 2006 йилда F.Charles Horne инглиз тилига ўтириб, Golden Necklaces or Maxims of Zamakhshari" деб номлайди. Асар 2006 йилда АҚШда нашр этилади ва 2010 йилда АҚШнинг Kessinger Publishing нашриётида чоп этилади.

"Атвоқ аз-заҳаб"нинг замонавий нашри Samachschari's Goldene Halsbänder. 112 бетдан иборат, 2010 йил 5 январда Германияда Nabu Press нашриётида ҳамда 2014 йил 8 июня Book on Demand Ltd. нашриётида чоп этилган.

"Атвоқ аз-заҳаб"нинг замонавий нашри Samachschari's Goldene Halsbänder. 66 бетдан иборат, 2018 йилда Германияда Forgotten Books нашриётида чоп этилган.

1876 йилда асар Барбье Мейнард томонидан француз тилига таржима қилиниб, француз тилида шарҳланган. "Атвоқ аз-заҳаб"нинг 256 бетдан иборат мазкур таржимаси Les Colliers D'or, Allocution Morales номи билан 2010 йил 8 апрелда Германияда Nabu Press нашриётида чоп этилган.

"Атвоқ аз-заҳаб" Чарльз Файл Хорн томонидан инглиз тилидаги таржима қилиниб, Golden Necklaces or Maxims of Zamakhshari номи остида 2006 ва 2010 йилларда АҚШнинг Kessinger Publishing нашриётида чоп этилган.

Махмуд Замахшарийнинг дунёнинг кўп кутубхоналаридан жой олган "Атвоқ аз-заҳаб" асари Farb олимлари томонидан жаҳон адабиётининг юксак намунаси ва нодир санъат асари сифатида эътироф этилган. Зоро, Американинг Kessinger Publishing нашриёти асарнинг кийматини қуйидагича эътироф этади: "Ушбу ноёб антик асар улкан маданий мерос бўлгани жиҳатидан уни асл нусхадан қайта нашр этиш муҳим деб ҳисобладик. Замонавий нашрларда ҳам жаҳон адабиётини ҳимоя қилиш ва асрар ҳамда кенг тарғиб қилиш каби бурч ва мажбуриятларимизни адо этиш мақсадида, бу ноёб асарни, аслиятига содик қолишини назарда тутиб, барчага ҳамёнбоп ва арzon ҳолда тақдим этдик" (Horne, 2006).

Умуман олганда, Фарб оламида ўрганилган ва ўрганилаётган алломалар ва уларнинг ноёб асарлари хар бир Ўзбекистон фуқаросида ифтихор туйғусини уйғотиши табиий ҳол. Шу билан бирга, диёримиздан етишиб чиқсан олимлар ва уларнинг асарларини ўрганиш ҳамда бутун дунёга таниши ёш олим ва тадкиқотчилар олдида турган масъулиятли вазифалардан биридир. Олтин насиҳат ва иршодлардан иборат Замахшарийнинг бу каби асарларини ўрганиб оммага тақдим этиши юртдошларимизни, айниқса, ёшларни аждодларга муносиб авлод бўлиб камол топишида ҳам мухим аҳамият касб этади.

МАНБА ВА АДАБИЁТЛАР РЎЙХАТИ

1. G.Dugat. (1870). *Histoire des orientalistes de l'Europe*. Vol. II. Paris.
2. D.Dunlop. (1962). Some Remarks on Weil's History of the Caliphs, in *Historians of the Middle East*. (B.L.Holt, Ed.) London: Oxford University Press.
3. J.Fück. (1955). *Die Arabischen Studien in Europe*. Leipzig.
4. Hammer-Purgstall. (1835). *Samachschari's goldene Halsbänder*. Vena.
5. Hammer-Purgstall. (1957). *An der Schwelle zum Orient*. (K.L.Weber, Ed.) Graz, Wien: Stiasny .
6. Hammer-Purgstall. (2008). *Grenzgänger zwischen Orient und Okzident*. (H.D.Galter, & S. Haas, Eds.) Graz.
7. C.F.Horne. (2006). *Golden Necklaces or Maxims Of Zamakhshari-Pamphlet*. Montana: Kessinger Publishing.
8. Merx Weil, Gustav. (1896). In: *Allgemeine Deutsche Biographie*. Vol. 41. Leipzig: Duncker &.
9. J.H.Zedlers. (1735). *Grosses vollständiges Universal-Lexicon Aller Wissenschaften und Künste*. Vol. 12. Leipzig.
10. Д.Фозил Солиҳ Самроий. (1971). Замахшарийнинг нахвий ва лугавий қарашлари. Бағдод: Матбаатул Иршод.
11. О.Жураев. (2010). Маҳмуд Замахшарий. Тошкент: Тафаккур.
12. Замахшарий. (1994). “Атвоқ аз-заҳаб фи ал-мавоиъз вал-хутаб”, Аҳмад Абдут-Таввоб Аваз таҳқиқи. Қоҳира: Дорул фазилат.
13. З.М.Исламов. (2014). Сочинение “Золотые ожерелья” и его влияние на развитие литературы народов востока “Социосфера”. № 2.
14. Мирза Юсуфхон ибн Иътисомул-малик (1314х.). Қалоидул адаб фи шарҳи Атвоқ аз-заҳаб. Қоҳира: Мактабутул Азҳария лит-Турс.
15. Н.А.Сулаймонова. (2005). Маҳмуд аз-Замахшарийнинг “Атвоқ аз-заҳаб” асари // Шар. филологиясининг тутун ва ечимлари. Илмий мақолалар тўплами (ТДШИ). Тошкент.
16. ЎзР ФА Шарқшунослик институти “Атвоқ аз-заҳаб фи ал-мавоиъз вал-хутаб” № 16016, №18970 тошбосма нусхалари.
17. Фозил Зоҳид. (2011). Замахшар тасбехи ёхуд 101 манзума (Атвоқу-з-заҳаб” асари асосида) / Таржима муаллифи Р.Зоҳид. Тошкент: Муҳаррир нашриёти.

REFERENCES

1. G.Dugat. (1870). *Histoire des orientalistes de l'Europe*. Vol. II. Paris.
2. D.Dunlop. (1962). Some Remarks on Weil's History of the Caliphs, in *Historians of the Middle East*. (B.L.Holt, Ed.) London: Oxford University Press.
3. J.Fück. (1955). *Die Arabischen Studien in Europe*. Leipzig.
4. Hammer-Purgstall. (1835). *Samachschari's goldene Halsbänder*. Vena.
5. Hammer-Purgstall. (1957). *An der Schwelle zum Orient*. (K.L.Weber, Ed.) Graz, Wien: Stiasny .
6. Hammer-Purgstall. (2008). *Grenzgänger zwischen Orient und Okzident*. (H.D.Galter, & S. Haas, Eds.) Graz.
7. C.F.Horne. (2006). *Golden Necklaces or Maxims Of Zamakhshari-Pamphlet*. Montana: Kessinger Publishing.
8. Merx Weil, Gustav. (1896). In: *Allgemeine Deutsche Biographie*. Vol. 41. Leipzig: Duncker.
9. J.H.Zedlers. (1735). *Grosses vollständiges Universal-Lexicon Aller Wissenschaften und Künste*. Vol. 12. Leipzig.
10. D.Fazil Salih Samrai. (1971). Grammatical and lexical views of Zamakhshari. Baghdad: Matbaatul Irshad.
11. O.Jurayev. (2010). Mahmud Zamakhshari. Tashkent: Tafakkur.
12. Zamakhshari. (1994). *Atwaq az-zahab fi al-mawai'z wal-khutab*. Cairo: Dar al-Fadilat.
13. Z.M.Islamov. (2014). Sochineniye “Zolotiye ojeryelya” i yego vliyaniye na razvitiye literaturi narodov vostoka “Sosiosfera”. № 2.
14. Mirza Yusufkhan ibn Itisamul-Malik (1314h.). Qalaид al-Adab fi sharhi Atwaq az-zahab. Cairo: Maktabatul Azhariyya lit-turas.
15. N.A.Sulaymonova. (2005). “Atwaq al-Zahab” by Mahmud al-Zamakhshari // Collection of scientific articles (TDSHI). Tashkent.
16. “Atwaq az-Zahab fi al-mawai'z wal-khutab” lithographic copies No. 16016, No. 18970 of the Institute of Oriental Studies of the Russian Academy of Sciences.
17. Fazil Zahid. (2011). *Tasbih of Zamakhshari or 101 verses (based on the work “Atwaq az-zahab”)/ The author of the translation is R. Zahid*. Tashkent: Muхarrir publishing house.